

ADDENDA AO CONVENIO DE COLABORACIÓN ENTRE A AXENCIA GALEGA DE
DESENVOLVEMENTO RURAL (AGADER) E O GRUPO DE DESENVOLVEMENTO RURAL
ASOCIACIÓN GRUPO DE DESENVOLVEMENTO RURAL VALDEORRAS”, PARA A
APLICACIÓN DUNHA ESTRATEXIA DE DESENVOLVEMENTO LOCAL NA MEDIDA LEADER
DE GALICIA, COFINANCIADO CO FONDO EUROPEO AGRÍCOLA DE DESENVOLVEMENTO
RURAL (FEADER) NO MARCO DO PDR DE GALICIA 2014-2020

En Santiago de Compostela,

REUNIDOS

Dunha parte, a Axencia Galega de Desenvolvemento Rural (en adiante, Agader), representada por don José González Vázquez, conselleiro do Medio Rural, en virtude do Decreto 110/2020, de 6 de setembro, polo que se establece a estrutura orgánica da Xunta de Galicia e polo que se nomea o titular da Consellería de Medio Rural e, por razón do seu cargo, presidente da Agader, con facultades para formalizar este convenio, en virtude do artigo 8 do Decreto 79/2001, do 6 de abril, polo que se aproba o Regulamento da Agader.

E doutra parte, o Grupo de Desenvolvemento Rural “*Asociación Grupo de Desenvolvemento Rural Valdeorras*” (en adiante, o GDR), con sede en *Praza Ramón Otero Pedrayo, 11. Viloiira, O Barco de Valdeorras* e con número de identificación fiscal G-32390361, representado por dona M^a del Carmen González Quintela, nomeada por acordo da xunta directiva do *30 de xuño de 2016* e facultada para a sinatura deste convenio polo artigo 18 dos seus estatutos.

EXPOÑEN

Primeiro.- O 13 de decembro de 2016 as dúas partes asinaron un convenio de colaboración para a aplicación dunha estratexia de desenvolvemento local na medida Leader de Galicia, cofinanciado co Fondo Europeo Agrícola de Desenvolvemento Rural (Feader) no marco do PDR de Galicia 2014-2020.



O citado convenio ten por obxecto establecer as regras que deberán aplicar as partes na xestión da estratexia de desenvolvemento local seleccionada polo Acordo do Consello de Dirección da Agader do 16 de novembro de 2016 e, en particular, as funcións e obrigas que asume o GDR como entidade colaboradora da Agader de acordo co artigo 9 da Lei 9/2007, do 13 de xuño, de subvencións de Galicia, e no marco das funcións xerais previstas no apartado 2 da epígrafe III (grupos de desenvolvemento rural) das bases reguladoras aprobadas o 10 de febreiro de 2016 polo Consello de Dirección da Agader, en relación coa xestión das subvencións que vaian a percibir terceiros beneficiarios da submedida 19.2: “apoio para a realización de operacións conforme a estratexia de desenvolvemento local participativo”.

Por outra parte, este convenio regula tamén as obrigas que asume o GDR na súa condición de beneficiario da subvención, nos termos previstos no artigo 8 da Lei 9/2007, do 13 de xuño, de subvencións de Galicia, respecto dos fondos públicos vinculados á submedida 19.4: “custos correntes e animación e promoción territorial”.

Segundo.- En vista da elevada execución da medida Leader no contexto do PDR de Galicia 2014-20, prevese a continuidade da execución das estratexias, como mínimo, durante as anualidades 2021 e 2022, mediante a asignación adicional de fondos á submedida 19.2 (implementación de operacións conforme ás estratexias de desenvolvemento rural), que permitirán continuar coa implementación das estratexias nos distintos territorios mediante a selección de novos proxectos que contribúan a acadar un maior grado de desenvolvemento das áreas rurais.

En coherencia co anterior, considérase indispensable ampliar a senda orzamentaria prevista para a medida 19.4 (custes correntes e animación e promoción territorial), para dotar da necesaria cobertura financeira ás estruturas dos GDR que, na súa condición de entidades colaboradoras da Administración na implementación das estratexias, deben dispor dos medios humanos e materiais necesarios para desempeñar as súas funcións de dinamización territorial para a captación de novos proxectos que contribúan a acadar as metas marcadas na estratexia deseñada para o seu territorio.

Ao sinalado nos parágrafos anteriores hai que engadir a necesidade de que os GDR participantes en proxectos de cooperación garantan a correcta realización e xustificación dos proxectos presentados ao abeiro da medida 19.3 (cooperación leader), que actualmente están en curso de execución; sen esquecerse da importancia do mantemento no territorio destas estruturas que supoñen os GDRs, de cara a unha continuidade nas diferentes actuacións que



no ámbito do desenvolvemento rural e da mellora da calidade de vida dos seus territorios veñen levando a cabo estas entidades asociativas.

Terceiro.- Por outra banda, as partes, consideran conveniente incorporar novas funcións ás xa atribuídas ao GDR, coa finalidade de profundar no desenvolvemento do seu territorio.

Cuarto.- A cláusula décimo oitava do convenio prevé que este pode modificarse, ben por iniciativa propia da Agader ou ben por petición motivada do GDR, mediante a subscripción da correspondente addenda, logo dos correspondentes informes e autorizacións preceptivas.

Quinto.- As partes, conscientes da conveniencia de estender a execución da medida 19 (Leader) do PDR de Galicia 2014-2020 ata o ano 2022 polas razóns sinaladas no expositivo segundo, acordan esta addenda de conformidade coas seguintes

CLÁUSULAS:

Primeira.- Modificación da cláusula sexta.- Funcións do GDR.

Engádense ao apartado 1 da cláusula sexta, dous apartados mais:

s) Asesorar e promover a participación dos axentes locais na elaboración, desenvolvemento e execución dos plans, proxectos e actuacións promovidos pola Agader no ámbito do desenvolvemento e da dinamización do territorio do GDR, así como colaborar na súa divulgación.

t) Participar no deseño dos plans de actuacións que anualmente aprobe a Agader, así como no desenvolvemento e execución dos instrumentos que os citados plans de actuacións poidan conter, a través do asesoramento e achega de información sobre o ámbito territorial do GDR.

Segunda.- Modificación da cláusula décima.- Dotación financeira para a submedida 19.4: "Custes correntes e animación e promoción territorial". A cláusula décima queda redactada como segue:

1. Como beneficiario da subvención, a dotación financeira prevista e a súa distribución por anualidades dos gastos en custes correntes e animación e promoción territorial contemplada neste convenio é a seguinte:



Anualidade	Gastos en custes correntes e animación
2016	0
2017	202.063,22 €
2018	202.063,22 €
2019	202.063,22 €
2020	202.063,22 €
2021	159.169,86€
2022	159.169,86€

2. O gasto público total dedicado aos gastos correntes (19.4.A) e á animación (19.4.B) non poderá superar en ningún caso o 25% do gasto público total en que se incorra no marco da estratexia de desenvolvemento local.

3. Correspóndelle á Agader a autorización anual do orzamento máximo que disporá o GDR para os seus gastos en custes correntes e de animación e promoción territorial.

Terceira. Vixencia da addenda.

A vixencia desta addenda iníciase o día da súa sinatura e producirá efecto conforme ao previsto na cláusula segunda do convenio, se ben os seus efectos económicos produciranse en relación aos exercicios orzamentarios 2021 e 2022.

O presidente da Agader e
Conselleiro de Medio Rural
José González Vázquez
(sinatura electrónica)

A presidenta do GDR
M^a del Carmen González Quintela
(sinatura electrónica)

